

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Qallunaat nunaannit innarluutillit angerlartitaasunut angerlarsimaffiusoq "Najugaqarfik Elisebannguaq" Maniitsumiittoq najugaqartunut najugaqarfigiinnassallugu pisoqalisuuvippoq taannami ukiuni 43-ini atuussimavoq najugaqartunut utoqqalilersunut pitsorlussisunullu naleqqukkunnaavissimalluni. Angerlarsimaffiusoq taanna utaqqiisaagallartumik inissiiviusimavoq. Maannalu najugaqartut sulisullu utaqqeqqissinnaanatik inissisimalersimanagerat akuersaaruminaalluinnarpoq. Piaarnerpaamik taanna nutaamik illumik taarserneqartariaqavippoq. Qaagu Naalakkersuisut Najugaqarfik Elisebannguamik nutaamik sanaartornissaminnik pilersaaruteqarnersut matumuuna apeqqutigaa?**
- 2. Isumaqarpunga Naalakkersuisut sanaartornissaminni taanna sallerfaatillugu pingaarnersaatillugulu aningaasaliiffigisariaqarpaat. Apeqqutigissavaralu Naalakkersuisut uattut taamatut eqqarsarnersut, aammalu taamatut eqqarsarunik kingusinnerpaamik 2015-imi sanaartornissaq pilersaaruteqarfigalugulu aallartissinnaaneraat apeqqutigissavara?**
- 3. Aammalu innarluutillit inuusunnarsut najugaat illukuuvoq nangitaa "Sikkerneq" taanna aamma pisoqalisuulivippoq nutaamillu pilersaaruteqarfigineqartariaqartoq, taanna aamma Naalakkersuisut qanoq pilersaaruteqarfigineraat apeqqutigissavara?**
- 4. Ukaliusarmi taanna nutaajuvoq aamma sisamaannarnut inissaqarluni. Kissaatigineqarporlu suli amerlanerusut pisariaqartitsilersussaasut eqqarsaatigalugit nutaamik aamma pilersaarusiortoqartariaqartoq?**
- 5. Ukiorpanni Maniitsumi innarluutilinnik aammalu minnerunngitsumik annertuumik innarluutilinnut sullissineq sungiussisimasunik aalajaalluinnartunillu peqarenera iluatinnarluinnartutut qanorlu atorluassallugit Naalakkersuisut qanoq tassunnakkut eqqarsaatersuuteqarfigineraat aamma paaserusunnartut ilagilluinnarpaat?**

(Ruth Heilmann, Siumut)

Tungavilersuut:

Najugaqarfiup illutaa inissiaqarfiuvoq 1971-imi ungbotut atuuttoq kingusinnerusumilu 1979-p tungaanut innarluutilinnut atuarfiulluni Elisebannguup Atuarfianik taaguuteqartinneqarluni innarluuteqartunut immikkut atuarfiattut ingerlanneqarluni. 1991-imilu Danmarkimi Sjællands Amtimit innarluutillit angerlartinneqarnissaat politikikkut aala-jangerneqarpoq innarluutillit 14-usunut inissanngortinneqassasoq, taamanilimi iluatsilluartumik ullumimut atuuppoq qularnanngitsumik aningaasarpassuarnik sipaarfiulluni qallunaat nunaanniiginnartitsinermi akisuneroqimmat.

Maanna najugaqartut utoqqalillutillu pitsorlussinikuupput taakkungunngalu naleqqussakkamik nutaamik sanaanneqartariaqarlutik

Taamanikkut innarluutillit angerlartinneqarmata isumaavoq taakkua inuunermi sinnerani Najugaqarfik Elisebannuami najugaqartussanngortinneqassasut. Tassalu illutaa eqqarsaatigalugu utaqqiisaagallartumik atuutinneqarallassasooq maannakkullu najugaqartut utoqqalipput ilaat kaassuartaakkaniillutik ilaallu aamma pisunniarnerminnik ajornartorsiuteqaleriartortuupput. Inigisaallu taamaalilluni naleqqutinngilluinnarpoq innarluutillit pisinnaatitaaffiit aamma naleqqussagaannginnami.

Taamaattumik utaqpeqqissinnaanissamut akissaqanngitsugut isumaqarpunga, aammalu ataatsimut Maniitsumi innarluutilinnut sullissineq annertunerpaamik Naalakkersuisut soqutigineqarusariaqaraat isumaqarlunga. Taakani najugaqartut avatangiisaat sannaviillu aamma Inneruulaq eqqarsaatigalugu naleqqussaanaasooq pisariaqalivissimasutut isikkulik Naalakkersuisut takusariaqalerpaat iliuuseqarfigalugillu.

Apeqquteqaatikka ullut suliffiusut qulit qaangiutsinnangit akineqarnissaat piumasarivara.